

AMAKURU MPAMO KU RUKINGO

Urukingo rwa Hepatite A

Amakuru Ugomba Kumanya

Many Vaccine information Statements are available in Spanish and other languages. See www.immunize.org/vis

Hojas de información sobre vacunas están disponibles en español y en muchos otros idiomas. Visite www.immunize.org/vis

1 Kuki nikingiza?

Hepatite A ni indwara ikaze y'umwijima. Iterwa n'agakoko ka hepatite A (HAV). Abantu bashobora kwanduzanya Agakoko ka hepatite A (HAV) binyuze mu mabyi, uko kwanduzanya gushobora kubaho mu buryo bworoshye igihe umuntu atakarabye neza intoki. Ushobora kandi kwandurira hepatite A mu biryo, amazi cyangwa ibindi bintu byagiyemo Agakoko ka hepatite A (HAV).

Ibimenyetso by'ubwando bwa hepatite A bishobora kuba bikubiyemo:

- guhinda umuriro, umunaniro, kubura ubushake bwo kurya, iseseme, kuruka cyangwa kubabara mu ngingo
- Kuribwa mu gifu cyane n'impiswi (cyane cyane ku bana) cyangwa
- jondise (uruhu cyangwa amasobihinduka umuhondo, inkari zижимье, umwanda wituma uba ufite ibara risa nk'iry'ibumba).

Akensi ibi bimenyetso bitangira kugaragara mu byumweru 2 kugeza kuri 6 nyuma yo kwandura kandi akensi bimara igihe kiri munsi y'amezi 2, ariko hari abantu bashobora kumarana ubwo burwayi igihe kigera ku mezi 6. Igihe urwaye hepatite A ushobora kuremba ku buryo no gukora byakunanira.

Akensi abana ntibakunze kugaragaza ibimenyetso, ariko abantu bakuru barabigagazza. Ushobora kwanduza abantu Agakoko ka hepatite A n'ubwo waba utagaragaza ibimenyetso.

Hepatite A ishobora kukuviramo uburwayi bw'umwijima ndetse n'urupfu, nubwo ibi bidakunze kubaho cyane ndetse bikaba bikunda kugaragara cyane ku bantu bafite kuva ku myaka 50 ndetse n'abantu barwaye izindi ndwara z'umwijima nka hepatite B cyangwa C.

Urukingo rwa hepatite A rushobora kurinda kwandura hepatite A. Inkingo za hepatite A zategetswe gutangwa muri Leta Zunze Ubumwe z'Amerika guhera mu 1996. Guhera icyo gihe, umubare w'abantu banduye watangazwaga buri mwaka muri Leta Zunze Ubumwe z'Amerika waramanutse uva ku 31.000 ugera munsi ya 1.500.

2 Urukingo rwa hepatite A

Urukingo rwa Hepatite A ni urukingo rurimo virusi yishwe. Ugomba guterwa **inkingo 2** kugira ngo wirinde mu buryo burambye. Hagati y'izi nkingo zombi hagomba kunyuramo byibuze igihe cy'amezi 6.

Ubusanzwe abana bakingirwa mu gihe kiri hagati y'umwaka wabo wa mbere n'uwa kabiri (hagati y'amezi 12 n'amezi 23 bamaze bavutse). Abana bakuru, abangavu n'ingimbi bashobora gukingirwa na nyuma y'amezi 23. Abantu bakuru batigeze bakingirwa mbere ariko bakaba bifuza kwirinda hepatite A, na bo bashobora guhabwa urukingo.

Ushobora guhabwa urukingo rwa hepatite A igihe:

- ugiye gukora urugendo mu bihugu bikunze kurangwamo hepatite A,
- uri umugabo ukorana imibonano mpuzabitsina n'abandi bagabo,
- ufata ibiyobyabwenge,
- urwaye indwara y'umwijima w'igikatu nka hepatite B cyangwa hepatite C,
- uri kuvurwa hakoreshejwe imiti ivura indwara yo kuvirirana,
- ukoresha inyamaswa zanduye virusi ya hepatite A mu kazi kawe cyangwa ukora muri laboratwari y'ubushakashatsi kuri hepatite A cyangwa
- uteganya kubonana n'umwana urera avuye mu gihugu kizwiho kwibasirwa na hepatite A

Baza muganga wawe niba ukeneye andi makuru ajyanye n'itsinda iryo ari ryo ryose muri ayo.

Nta byago bizwi ushobora guhura nabyo igihe uteabwe urukingo rwa hepatite A rimwe n'izindi nkingo.

3 Hari abantu batagomba guterwa uru rukingo

Bimenyeshe umuntu urikugukingira:

- **Niba ugira ubwivumbure bw'umubiri bukomeye, bushobora no kugira ingaruka ku buzima bwawe.** Niba hari ingaruka z'ubwivumbure bw'umubiri wagize bukagira ingaruka ku buzima bwawe nyuma yo guhabwa urukingo rwa hepatite A cyangwa ukaba waragize ubwivumbure bw'umubiri bukomeye bufitanye isano iyo ari yo yose n'uru rukingo, ushobora kugirwa inama yo kudakingirwa. Baza muganga wawe niba ukeneye amakuru ajyanye n'ibigize urukingo.

• **Niba wumva utamerewe neza.**

Niba urwaye byoroje, nk'inkorora, ushobora n'ubundi guhabwa urukingo uyu munsi. Niba urwaye bidakabije cyangwa bikabije, byaba byiza utegereje kugeza igihe uzakirira. Muganga wawe ashobora kukugira inama.

4

Ibyago by'ubwivumbure buterwa n'urukingo

Igihe wahawe imiti, irimo n'inkingo, birashoboka ko ishobora kugugiraho ingaruka. Akensi ziba zoroheje ndetse zikaba zishobora kwikiza, ariko birashoboka ko habaho ingarukazikomeye.

Abenshi mu bantu batewe urukingo rwa hepatite A nta ngaruka rwigeze rubagiraho.

Ingaruka zoroheje zigaragara nyuma yo guhabwa urukingo rwa hepatite A zirimo:

- kubyimbirwa cyangwa gutukura aho baguteye urushinge
- umuriro muke
- kubabara umutwe
- umunaniro

Iyo izi ngaruka zigaragaye, akensi zitangira ukimara gaterwa urushinge maze zikamara umunsi 1 kugeza ku minsi 2.

Umuganga wawe ashobora kugusobanurira birenzeho ibijyanye n'izi ngaruka.

Izindi ngaruka zishobora kugaragara nyuma yo gaterwa uru rukingo:

- Rimwe na rimwe abantu bakunda kurabiranara isereri nyuma yo kuvurwa, nko gaterwa urukingo. Kwicka cyangwa kwiramika mu gihe cy'imina 15 bishobora kukturinda kurabirana no gukomereka igihe wituye hasi. Bimenyeshe uguha serivisi z'ubuzima niba wumva ufite isereri cyangwa warwaye amaso cyangwa wumva uduhirwa mu gutwi.
- Hari abantu bababara urutugu ndetse bikaba bishobora no gukomera cyane bikamara igihe kinini kurusha igihe ushobora kumara ubabara nyuma yo gaterwa urushinge. Ibi bibaho gake cyane.
- Umuti uwo ari wo wose ushobora kugira ingaruka zijiyanne n'ubwivumbure bw'umubiri. Izo ngaruka zijiyanne n'urukingo ntizikunze kugaragara, usanga zigaragara ku rukingo rumwe mu nkingo miliyon kandi bikaba mu gihe cy'imina mike kugeza ku masaha make nyuma yo gaterwa urukingo.

Nk'uko bishobora no kugaragara ku yindi miti, hari ibyago bike cyane byo kuba urukingo rwakomeretsa umuntu bikabije cyangwa rukamwica.

Umutekano w'inkingo uba uri gukurikiranwa buri gihe. Ku bijyanye n'andi makuru, sura: www.cdc.gov/vaccinesafety/

5

Bigenda bite iyo hagaragaye ingaruka ikomeye?

Ni iki nakwitaho?

- Ite ku bikubaho byose, nk'ibimenyetso by'ubwivumbure bw'umubiri bukomeye, umuriro mwinshi cyane cyangwa ibimenyetso bidasanzwe.

Ibimenyetso **by'ubwivumbure bw'umubiri bukomeye** bishobora kuba birimo gufuruta, kubyimba isura no mu muhogo, kunanirwa guhumeka, umutima ugatera vuba vuba, isereri n'integre nke. Ibi bishobora gutangira kugaragara mu

gihe cy'imina mike kugeza ku masaha make nyuma yo gaterwa urukingo.

Ni iki nakora?

- Niba ukeka ko ari **ubwivumbure bw'umubiri bukomeye** cyangwa ikindi kibazo gikeneye ubatabazi bwihutirwa, hamagara kuri 9-1-1 cyangwa ujye ku bitaro bikwegereye. Cyangwa se uhamagare ivuriro ryawe.

Nyuma, izo ngaruka zikamenyekanishwa binyuze muri Sisitemu ya raporo y'ingaruka zijiyanne n'inkingo (VAERS). Muganga wawe agomba gukora iyi raporo cyangwa ukabyikorera ubwawwe unyuze ku rubuga rwa Sisitemu ya raporo y'ingaruka zijiyanne n'inkingo (VAERS) www.vaers.hhs.gov cyangwa ugahamagara kuri **1-800-822-7967**.

Sisitemu ya raporo y'ingaruka zijiyanne n'inkingo (VAERS) ntitanga inama zijiyanne n'ubuvuzu.

6

Gahunda y'igihugu itanga indishyi ku bagizweho ingaruka n'inkingo (VICP)

Gahunda y'igihugu itanga indishyi ku bagizweho ingaruka n'inkingo (VICP) ni gahunda ihuriweho na Leta yashyizweho kugira ngo ihe indishyi abantu bashobora kuba bakomerekejwe na zimwe mu nkingo.

abantu bumva ko bashobora kuba bagizweho ingaruka n'urukingo bashobora guhabwa amakuru ajyanye na gahunda ndetse no gutanga ikirego bahamagara kuri **1-800-338-2382** cyangwa bagasura urubuga rwa Gahunda y'igihugu itanga indishyi ku bagizweho ingaruka n'inkingo (VICP) kuri www.hrsa.gov/vaccinecompensation. Hari igihe ntarengwa cyo gutanga ikirego kugira ngo uhabwe indishyi.

7

Ni gute namenya andi makuru?

- Baza uguha serivisi z'ubuzima. Ashobora kuguha agatabo k'amakuru ajyanye n'inkingo cyangwa akakurangira ahandi wakura amakuru.
- Hamagara ishami rishinzwe ubuzima aho utuye cyangwa Minisiteri y'ubuzima ya Leta.
- Menyesha Ikigo Cy'igihugu Gishinzwe Kurwanya no Kwirinda Indwara (CDC):
 - Hamagara kuri **1-800-232-4636 (1-800-CDC-INFO)** cyangwa
 - Sura urubuga rw'Ikiigo cy'igihugu gishinzwe kurwanya no kwirinda indwara (CDC) kuri www.cdc.gov/vaccines

Vaccine Information Statement

Hepatitis A Vaccine - Kinyarwanda

7/20/2016

42 U.S.C. § 300aa-26

Translation provided by Minnesota Department of Health

